

## **GOSR-ip Peqqissutsimut, Avatangiisinut Isumannaallisaanermullu politikkaa (SMS)**

GOSR-ip SMS politikkaanut tunngavisoq tassaavoq Greenland Oil Spill Response A/S pillugu Inatsisartut inatsisaat nr. 4, 4.juni 2012-meersoq (GOSR pillugu inatsit).

Ingerlatseqatigiiffimmi sulinerup toqqissisimanartumik, inuit ataasiakkaat peqqissusaannik isumaginniffiusumik siursaataasumillu aammalu avatangiisinut mianerinnittumik ingerlanneqarnissaa, GOSR-imi atorfillit aamma nammineq kajumissutsiminnik suliasut tamarmik akisussaaqataaffigivaat.

GOSR-ip ingerlanneqarnerani peqqinnissaq, avatangiisit isumannaallisaanerlu aallaavigineqarput, aammalu SMS ingerlatsiviup ingerlariaasiani kulturianilu sallinneqartussatut ilaalluurtussatullu isigineqarluni. Inatsisitigut, aaliangersakkatigut pisartagalinnullu suleqatigiinnissamut isumaqatigiissutini ingerlatseqatigiiffiup pisussaataaffiinik naammassinnineq, piujuartitsiviusumik aammalu avatangiisinut ajoqutaasinnaasunik sunniteqarsinnaanerata annikillisinissaanik siunertaqarluni aammalu sulisut isumannaatsuunissaat peqqissusaallu mianeralugit GOSR-imi suliaqarnernut iluaqutaavoq.

Uuliamik mingutsitsinermut upalungaarsimasut, uuliamik mingutsitsinermik akiuniarnermut, uuliamik mingutsitsinerup kingorna avatangiisini saliinermut allanillu Kalaallit Nunaanni aatsitassanut suliasaqarfiup iluani assingusunik suliaqarnermut tunngatillugu niuertorpalaartutut tunngaveqarluni GOSR suliaqarnermik ingerlatsissasoq, GOSR pillugu inatsisip siunertaraa. GOSR aamma Kalaallit Nunaanni suliasaqarfiit allat iluanni suliaqarnermik ingerlatsinnaavoq. Aammattaaq Kalaallit Nunaanni aatsitassanut suliasaqarfiup iluani uuliamik mingutsitsinermut upalungaarsimasunik pilersitsinissaq ingerlatsinissarluni GOSR-ip peqataaffigissavaa. pisinnaatitsissummik pigisaqartoq Kalaallit Nunaanni sinerissap avataani ikummatissiasanik misissueqqaarnissamut imaluunniit misissuinissamut akuersissummik tunineqarsimasoq, GOSR-ip uuliamik mingutsitsinissamut upalungaarsimasut pillugit sullississutinik pilersuinissaq pillugu GOSR-imut isumaqatigiissuteqassaaq aammalu isumaqatigiissut malissallugu.

Pisinnaatitsissummik pigisaqartut SMS pillugu piunasaqaatit atuuttunik tamaginnik naammassinninerat, Inuusutissarsiornermut, Nukissiuuteqarnermut Ilisimatusarnermullu Naalakkersuisoqarfiup qulakkigassarivaa. Pisartagaqartut sunnernaarnissaat GOSR-ip suliaqarluni sulissutigissavaa, taamaalilluni avatangiisini upalungaarsimanermut tunngatillugu aqqiissutissat toqqarneqartut SMS pillugu oqartussat piunasaqaataat naapertorlugit pitsaanerpaassallutik.